

আর্থিক প্রতিষ্ঠান ও বাজার বিভাগ
বাংলাদেশ ব্যাংক
প্রধান কার্যালয়
ঢাকা।

ডিএফআইএম সার্কুলার লেটার নং-৬

তারিখঃ ২০ অগ্রহায়ণ, ১৪২৩ বঙ্গাব্দ
৪ ডিসেম্বর, ২০১৬ খ্রীস্টাব্দ

প্রধান নির্বাহী/ব্যবস্থাপনা পরিচালক,
বাংলাদেশে কার্যরত সকল আর্থিক প্রতিষ্ঠান।

প্রিয় মহোদয়,

জেলা পরিষদ নির্বাচন-২০১৬ এ অংশগ্রহণে ইচ্ছুক প্রার্থীদের ব্যাংকের ঋণ খেলাপ সংক্রান্ত বিধি
বিধানের আলোকে তথ্য সংগ্রহ, সংরক্ষণ ও সরবরাহ প্রসঙ্গে।

উপর্যুক্ত বিষয়ে অর্থ মন্ত্রণালয়ের ২৮ নভেম্বর ২০১৬ তারিখের পরিপত্র নথি নং-
৫৩.০০.০০০০.৩৩১.০৯.০০৮.১৬-৩০৮ এবং নির্বাচন কমিশন সচিবালয়ের ২০ নভেম্বর ২০১৬ তারিখের পরিপত্র
নং-১৭.০০.০০০০.০৭৯.৩৯.০০১.১৬-৫৩৮ এর প্রতি আপনাদের দৃষ্টি আকর্ষণ করা যাচ্ছে।

০২। উপর্যুক্ত পরিপত্রের মাধ্যমে জেলা পরিষদ নির্বাচনে ঋণ খেলাপী ব্যক্তিগণকে অযোগ্য হিসেবে ঘোষণার লক্ষ্যে
সকল ব্যাংক ও আর্থিক প্রতিষ্ঠান কর্তৃক নির্ভুলভাবে ঋণ খেলাপ সংক্রান্ত তথ্য সংকলন, সংরক্ষণ ও তা সংশ্লিষ্ট রিটার্নিং
অফিসারের নিকট যথাসময়ে উপস্থাপনের নির্দেশনা দেয়া হয়েছে।

০৩। তাছাড়া, জেলা পরিষদ নির্বাচন-২০১৬ এ মনোনয়নপত্র দাখিলের শেষ দিন হতে বাছাই সম্পূর্ণ না হওয়া পর্যন্ত
সময়কাল (সরকারী/সাপ্তাহিক ছুটি এবং অফিস সময়ের পরে হলেও) বাংলাদেশে কার্যরত সকল আর্থিক প্রতিষ্ঠানের
সংশ্লিষ্ট কর্মকর্তাগণ যেন নিজ নিজ দপ্তরে উপস্থিত থাকেন এবং রিটার্নিং অফিসার কোন তথ্য কিংবা সহায়তা চাইলে
তা যথাসময়ে প্রদান করেন এ মর্মেও নির্দেশনা দেয়া হয়েছে।

উপর্যুক্ত বিষয়ে প্রয়োজনীয় ব্যবস্থা গ্রহণ করার জন্য সকল আর্থিক প্রতিষ্ঠানকে নির্দেশ দেয়া যাচ্ছে।

আপনাদের বিশ্বস্ত,



(মোঃ আব্দুল ওয়াহাব)

উপ-মহাব্যবস্থাপক

ফোনঃ ৯৫৩০০১০-৭৫/৩১৫৭।

গভর্নর মহোদয়ের দপ্তর, বাংলাদেশ ব্যাংক	
ডায়েরী নং-১২৫২	তারিখ ২৫/১১/১৬
ডেপুটি গভর্নর-১	☐ দ্রুত ব্যবস্থা নিন
ডেপুটি গভর্নর-২	☐ দ্রুত আলোচনা করুন
ডেপুটি গভর্নর-৩	☐ জরুরী
ডেপুটি গভর্নর-৪	☐ উপস্থাপন করুন
নির্বাহী পরিচালক Spl:	☐ প্রয়োজনীয় ব্যবস্থা নিন
জিএম	☐ নথিভুক্ত
	স্বাক্ষরঃ

সর্বোচ্চ অগ্রাধিকার
জেলা পরিষদ নির্বাচন

গণপ্রজাতন্ত্রী বাংলাদেশ সরকার
অর্থ মন্ত্রণালয়
ব্যাংক ও আর্থিক প্রতিষ্ঠান বিভাগ
নীতি ও আর্থিক প্রণোদনা শাখা
www.bfid.gov.bd

১৪ অগ্রহায়ণ ১৪২৩

তারিখ : -----

২৮ নভেম্বর ২০১৬

পরিপত্র

বিষয়: জেলা পরিষদ নির্বাচন ২০১৬ এ অংশ গ্রহণে ইচ্ছুক প্রার্থীদের ব্যাংকের ঋণ খেলাপ সংক্রান্ত বিধি-বিধানের আলোকে তথ্য সংগ্রহ, সংরক্ষণ ও সরবরাহ।

নির্বাচন কমিশন কর্তৃক ঘোষিত সময়সূচী অনুসারে আগামী ২৮ ডিসেম্বর ২০১৬ তারিখ বুধবার জেলা পরিষদ নির্বাচনের ভোট গ্রহণ অনুষ্ঠিত হইবে (পরিশিষ্ট-ক)। জেলা পরিষদ আইন, ২০০০ এর ধারা ৬(২)(ঝ) অনুসারে ঋণ খেলাপীগণ নির্বাচনে অযোগ্য বিবেচিত হবেন (আইনের উদ্ধৃতাংশ পরিশিষ্ট-খ)। এই আইনের বিধান অনুযায়ী ঋণ খেলাপী ব্যক্তিগণ জেলা পরিষদ নির্বাচনে প্রার্থী হইতে পারিবেন না এবং জেলা পরিষদ নির্বাচনে ঋণ খেলাপী ব্যক্তিগণকে যাহাতে নির্বাচনের প্রার্থী হিসাবে অযোগ্য ঘোষণা করা যায় তাহার জন্য আইনে নির্ধারিত সকল ব্যাংক ও আর্থিক প্রতিষ্ঠান হইতে ঋণ খেলাপ সংক্রান্ত তথ্য সরবরাহ নিশ্চিত করা আবশ্যিক।

০২. জেলা পরিষদ আইন, ২০০০ এর সংশ্লিষ্ট বিধান অনুযায়ী ঋণ খেলাপী ব্যক্তিগণ চেয়ারম্যান, সদস্য ও মহিলা সদস্য নির্বাচনে প্রার্থী হইতে পারিবেন না বিধায় আসন্ন জেলা পরিষদ আইন, ২০০০ নির্বাচনে ঋণ খেলাপী ব্যক্তিগণকে যাহাতে নির্বাচনে প্রার্থী হিসাবে অযোগ্য ঘোষণা করা যায় সেই জন্য আইনে নির্ধারিত সকল ব্যাংক/আর্থিক প্রতিষ্ঠান হইতে নিম্নবর্ণিত বিষয়ের প্রতি গুরুত্ব প্রদানপূর্বক ঋণ খেলাপ সংক্রান্ত তথ্য জরুরি ভিত্তিতে রিটার্নিং অফিসারকে সরবরাহ করিবার জন্য সংশ্লিষ্ট সকলকে অনুরোধ করা যাইতেছে।

০৩. এতদপ্রেক্ষিতে জেলা পরিষদ আইন, ২০০০ এর ধারা ৬(১) উপ-ধারা (২) এর বিধান সাপেক্ষে, কোন ব্যক্তি চেয়ারম্যান, সদস্য ও মহিলা সদস্য নির্বাচিত হইবার যোগ্য হইবেন, যদি-

- তিনি বাংলাদেশের নাগরিক হন;
- তাহার বয়স পঁচিশ বৎসর পূর্ণ হয়; এবং
- তাহার নাম জাতীয় সংসদ নির্বাচনের জন্য প্রস্তুতকৃত আপাততঃ বলবৎ ভোটার তালিকার যে অংশ সংশ্লিষ্ট জেলাভুক্ত অথবা, ক্ষেত্রমত, উক্ত জেলার সংশ্লিষ্ট ওয়ার্ডভুক্ত এলাকা সংক্রান্ত সেই অংশের অন্তর্ভুক্ত থাকে।
- কোন ব্যক্তি চেয়ারম্যান, সদস্য ও মহিলা সদস্য নির্বাচিত হইবার এবং থাকিবার যোগ্য হইবে না, যদি-
 - তিনি বাংলাদেশের নাগরিকত্ব পরিত্যাগ করেন বা হারান;
 - তাহাকে কোন আদালত অপ্রকৃতিস্থ বলিয়া ঘোষণা করে;
 - তিনি দেউলিয়া ঘোষিত হইবার পর দায় হইতে অব্যাহতি লাভ না করিয়া থাকেন;
 - তিনি নৈতিক স্বলনজনিত কোন ফৌজদারী অপরাধে দোষী সাব্যস্ত হইয়া অনুন দুই বৎসরের কারাদণ্ডে দণ্ডিত হন এবং তাহার মুক্তি লাভের পর পাঁচ বৎসরকাল অতিবাহিত না হইয়া থাকে;
 - তিনি প্রজাতন্ত্রের বা পরিষদের বা অন্য কোন স্থানীয় কর্তৃপক্ষের কোন কর্মে লাভজনক সার্বক্ষণিক পদে অধিষ্ঠিত থাকেন;

চলমান পাতা-০২

সদস্য অবগতির পর নথিভুক্ত করা যায়।

২

২৫/১১/১৬
এডি

২৫/১১/১৬
জিডি

২৫/১১/১৬
জেডি

[(চ) তিনি জাতীয় সংসদের সদস্য বা অন্য কোন স্থানীয় কর্তৃপক্ষের চেয়ারম্যান বা সদস্য বা জেলা পরিষদের প্রশাসক হন বা থাকেন;

তবে শর্ত থাকে যে, জেলা পরিষদের প্রশাসক পদত্যাগ সাপেক্ষে নির্বাচনে প্রার্থী হইতে পারিবেন;]

(ছ) তিনি পরিষদের কোন কাজ সম্পাদনের বা মালামাল সরবরাহের জন্য ঠিকাদার হন বা ইহার জন্য নিযুক্ত ঠিকাদার প্রতিষ্ঠানের অংশীদার হন বা পরিষদের কোন বিষয়ে তাঁহার কোন প্রকার আর্থিক স্বার্থ থাকে বা তিনি সরকার কর্তৃক নিযুক্ত অত্যাৱশ্যক কোন দ্রব্যের দোকানদার হন;

(জ) তিনি একইসঙ্গে চেয়ারম্যান, সদস্য ও মহিলা সদস্যের দুই বা ততোধিক পদে প্রার্থী হন;

(ঝ) তাঁহার নিকট কোন ব্যাংক বা আর্থিক প্রতিষ্ঠান হইতে গৃহীত কোন ঋণ মেয়াদোত্তীর্ণ অবস্থায় অনাদায়ী থাকে।

ব্যাখ্যা-এই উপধারার উদ্দেশ্য পূরণকল্পে-

(ক) "ব্যাংক" অর্থ ব্যাংক কোম্পানী আইন, ১৯৯৪ (১৯৯৪ সনের ১৮ নং আইন) এর ধারা ২(ড)তে সংজ্ঞায়িত ব্যাংক কোম্পানী;

(খ) "আর্থিক প্রতিষ্ঠান" অর্থ আর্থিক প্রতিষ্ঠান আইন, ১৯৯৩ (১৯৯৩ সনের ২৭নং আইন), এর ধারা ২(খ) তে সংজ্ঞায়িত আর্থিক প্রতিষ্ঠান।

কোন ব্যাংক, বিশেষায়িত ব্যাংক অথবা আর্থিক প্রতিষ্ঠান হইতে গৃহীত ঋণের অর্থ বা উক্ত ঋণের কোন কিস্তি পরিশোধে খেলাপী হইয়া থাকিলে, জেলা পরিষদের চেয়ারম্যান, সদস্য ও মহিলা সদস্য পদে নির্বাচিত হইবার অযোগ্য হইবেন।

০৪. যদি কেহ কোন ঋণ খেলাপী কোম্পানী/ব্যাংক/ফার্ম/বিশেষায়িত ব্যাংক/আর্থিক প্রতিষ্ঠানের পরিচালক পদ হইতে পদত্যাগ করেন তাহা হইলে ইহা বৈধ বলিয়া গণ্য হইবে না যতক্ষণ পর্যন্ত না ব্যাংক কোম্পানী আইনের সংশ্লিষ্ট বিধানের অধীনে এবং ক্ষেত্রমতে বাংলাদেশ ব্যাংক ও সংশ্লিষ্ট ব্যাংক ব্যবস্থাপনার সম্মতিক্রমে উক্ত পরিবর্তন রেজিস্ট্রার অব জয়েন্ট স্টক কোম্পানীজ এন্ড ফার্মস কর্তৃক গৃহীত হইয়া সংশ্লিষ্ট দলিলদি সংশোধন করা হইবে।

০৫. ঋণ খেলাপ সংক্রান্ত তথ্য মনোনয়নপত্র বাছাইয়ের দিন কিংবা তৎপূর্বে সংশ্লিষ্ট রিটার্নিং অফিসারকে প্রদান করিতে হইবে। এই ব্যাপারে নিম্নলিখিত পদ্ধতি অনুসরণ করিতে হইবে:

(ক) সংশ্লিষ্ট সকল ব্যাংক, বিশেষায়িত ব্যাংক ও আর্থিক প্রতিষ্ঠানের শাখা ব্যবস্থাপক/ভারপ্রাপ্ত কর্মকর্তাগণ এই সংক্রান্ত আইন ও উহার ব্যাখ্যা অনুসারে সকল হিসাব হালনাগাদ করিয়া খেলাপী ঋণ গ্রহীতাদের একটি তালিকা প্রস্তুত করিবেন।

(খ) শাখা ব্যবস্থাপক/ভারপ্রাপ্ত কর্মকর্তাগণ রিটার্নিং অফিসারদের নিকট হইতে অথবা বিভিন্ন জাতীয় দৈনিক এ প্রকাশিত অথবা অন্য কোন উৎস হইতে প্রাপ্ত প্রার্থীদের তালিকার সহিত শাখাসমূহে হালনাগাদকৃত খেলাপী ঋণ গ্রহীতার তালিকা মিলাইয়া দেখিবেন এবং তাহার শাখাভুক্ত কোন ঋণ খেলাপী প্রার্থী হইয়াছে কিনা উহা নিশ্চিত হইবেন।

(গ) সংশ্লিষ্ট ব্যাংক/বিশেষায়িত ব্যাংক/আর্থিক প্রতিষ্ঠান এর শাখা ব্যবস্থাপক/ভারপ্রাপ্ত কর্মকর্তাগণ মনোনয়ন পত্র দাখিলের পর পরই স্ব-স্ব উদ্যোগে রিটার্নিং অফিসারের নিকট হইতে (পরিশিষ্ট-গ) প্রার্থীদের (পিতা/মাতা/স্বামীর নাম ও ঠিকানাসহ প্রয়োজনীয় অন্যান্য তথ্য) তালিকা সংগ্রহ করিবেন এবং প্রার্থীদের ঋণ খেলাপী সম্পর্কিত তথ্যসহ উহার এক প্রস্থ ব্যাংক/বিশেষায়িত ব্যাংক/আর্থিক প্রতিষ্ঠান এর সিইও/ব্যবস্থাপনা পরিচালক এর নিকট হইতে সংশ্লিষ্ট রিটার্নিং অফিসারকে ঋণ খেলাপ সংক্রান্ত তথ্য বাহক মারফত/ফ্যাক্স/ই-মেইলযোগে প্রেরণ করিবেন।

(ঘ) কোন খেলাপী ঋণ গ্রহীতা মনোনয়নপত্র দাখিল করিয়া থাকিলে সংশ্লিষ্ট ব্যাংক/বিশেষায়িত ব্যাংক/আর্থিক প্রতিষ্ঠান এর শাখা ব্যবস্থাপক/ভারপ্রাপ্ত কর্মকর্তাগণ অনতিবিলম্বে ঋণ খেলাপী সংক্রান্ত তথ্য সংশ্লিষ্ট রিটার্নিং অফিসারের নিকট প্রেরণের ব্যবস্থা গ্রহণ করিবেন।

(ঙ) রিটার্নিং অফিসার কর্তৃক মনোনয়নপত্র যাচাই/বাছাইয়ের সময় সংশ্লিষ্ট ব্যাংক/বিশেষায়িত ব্যাংক/আর্থিক প্রতিষ্ঠান এর শাখা ব্যবস্থাপক/ভারপ্রাপ্ত কর্মকর্তাগণ ঋণ খেলাপ সংক্রান্ত তথ্য ও কাগজপত্রসহ উপস্থিত থাকিবেন।

০৬. যে সকল প্রার্থী নিজস্ব নির্বাচনী এলাকার পরিবর্তে অন্যত্র ব্যাংক হিসাব বা ঋণ হিসাব পরিচালনা করিয়া আসিতেছেন, তাঁহাদের ঋণ খেলাপ সংক্রান্ত তথ্য নিম্নোক্ত পদ্ধতিতে সংরক্ষণ ও সংশ্লিষ্ট রিটার্নিং অফিসারকে সরবরাহ করিতে হইবে:

- (ক) প্রার্থীদের একটি তালিকা নির্বাচন কমিশন/সংশ্লিষ্ট রিটার্নিং অফিসার এর নিকট হইতে সংশ্লিষ্ট ব্যাংক/বিশেষায়িত ব্যাংক/আর্থিক প্রতিষ্ঠান এর সিইও/ব্যবস্থাপনা পরিচালক বিশেষ বাহক মারফত সংগ্রহ করিবেন।
- (খ) তালিকা প্রাপ্তির সাথে সাথে সংশ্লিষ্ট সিইও/ব্যবস্থাপনা পরিচালক ইতোমধ্যে হালনাগাদকৃত খেলাপী ঋণ গ্রহীতাদের তালিকার সহিত উহা মিলাইয়া দেখিবার ব্যবস্থা করিবেন এবং পুনঃ যাচাই করিয়া ঋণ খেলাপের তথ্যসহ তালিকার এক প্রস্থ প্রস্তুত করিয়া বিশেষ বাহক মারফত/ফ্যাক্স/ই-মেইলযোগে নির্বাচন কমিশন, বাংলাদেশ ব্যাংক (সিআইবি) ও ব্যাংক/বিশেষায়িত ব্যাংক/আর্থিক প্রতিষ্ঠান এর সংশ্লিষ্ট শাখা ব্যবস্থাপক/ভারপ্রাপ্ত কর্মকর্তা এর নিকট প্রেরণ করিবেন।
- (গ) সকল সিইও/ব্যবস্থাপনা পরিচালক হইতে পুনঃ যাচাইকৃত তথ্য পাওয়ার পর ঋণ খেলাপ সম্পর্কিত তথ্যসহ তালিকা সংশ্লিষ্ট ব্যাংক/বিশেষায়িত ব্যাংক/আর্থিক প্রতিষ্ঠানের ব্যবস্থাপক/ভারপ্রাপ্ত কর্মকর্তাগণ সংশ্লিষ্ট রিটার্নিং অফিসারের নিকট প্রেরণ করিবেন। ইহা ব্যতীত নির্বাচন কমিশন সচিবালয়ের অবগতির জন্যও উক্ত তালিকার এক প্রস্থ বিশেষ বাহক মারফত/ফ্যাক্স/ই-মেইলযোগে প্রেরণ করিবেন।
- (ঘ) বাংলাদেশ ব্যাংকের "ক্রেডিট ইনফরমেশন ব্যুরো (CIB)" সংশ্লিষ্ট রিটার্নিং অফিসার এবং নির্বাচন কমিশনের নিকট প্রার্থীগণের ঋণ খেলাপ সংক্রান্ত তথ্য সরাসরি বাহক মারফত/ফ্যাক্স/ই-মেইলযোগে প্রেরণ করিবে।
- (ঙ) সকল ব্যাংক/বিশেষায়িত ব্যাংক/আর্থিক প্রতিষ্ঠান এর সিইও/ব্যবস্থাপনা পরিচালক হালনাগাদকৃত স্ব-স্ব ব্যাংক/বিশেষায়িত ব্যাংক/আর্থিক প্রতিষ্ঠান এর খেলাপী ঋণ গ্রহীতা তালিকার সহিত "ক্রেডিট ইনফরমেশন ব্যুরো (CIB)" কর্তৃক সরবরাহকৃত ঋণ খেলাপ সংক্রান্ত তথ্য মিলাইয়া দেখিবার ব্যবস্থা করিবেন এবং প্রয়োজনবোধে নির্বাচন কমিশন/রিটার্নিং অফিসারকে আবশ্যিক তথ্য সরবরাহ করিবেন।

০৭. ঋণ খেলাপ সম্পর্কিত তথ্যের নির্ভুলতার সম্পূর্ণ দায়-দায়িত্ব সংশ্লিষ্ট ব্যাংক/বিশেষায়িত ব্যাংক/আর্থিক প্রতিষ্ঠান এর শাখা ব্যবস্থাপক/ভারপ্রাপ্ত কর্মকর্তার উপর বর্তাইবে। ভুল তথ্য পরিবেশনে কিংবা ঋণ খেলাপ সম্পর্কিত তথ্য উপস্থাপনে ব্যর্থতার জন্য সংশ্লিষ্ট কর্মকর্তার বিরুদ্ধে শাস্তিমূলক ব্যবস্থা গ্রহণ করা হইবে।

০৮. সকল ব্যাংক/বিশেষায়িত ব্যাংক/আর্থিক প্রতিষ্ঠানের সংশ্লিষ্ট কর্মকর্তাগণ মনোনয়নপত্র দাখিলের শেষ দিন হইতে উহা বাছাই সম্পূর্ণ না হওয়া পর্যন্ত সময়কাল (সরকারী/সাপ্তাহিক ছুটি এবং অফিস সময়ের পরে হইলেও) নিজ নিজ দপ্তরে উপস্থিত থাকিবেন এবং রিটার্নিং অফিসার কোন তথ্য কিংবা সহায়তা চাহিলে তাহা প্রদান করিবেন।

সংযুক্তিঃ বর্ণনামতে।


(অরিজিৎ চৌধুরী)
অতিরিক্ত সচিব
ফোন: ৯৫৯২৪৫০

বিতরণ (জ্যেষ্ঠতার ক্রমানুসারে নয়):

- ১। মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা।
- ২। মুখ্য সচিব, প্রধানমন্ত্রীর কার্যালয়, তেজগাঁও, ঢাকা।
- ৩। গভর্নর, বাংলাদেশ ব্যাংক, ঢাকা (অধীনস্থ সকল ব্যাংককে অবহিত করার অনুরোধসহ)।
- ৪। সচিব, নির্বাচন কমিশন সচিবালয়, শেরে বাংলা নগর, ঢাকা।
- ৫। সচিব, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ৬। বিভাগীয় কমিশনার, ঢাকা/চট্টগ্রাম/রাজশাহী/খুলনা/সিলেট/বরিশাল/রংপুর/ময়মনসিংহ বিভাগ (অধীনস্থ সকল জেলা প্রশাসককে অবহিত করার অনুরোধসহ)।
- ৭। ব্যবস্থাপনা পরিচালক/সিইও,

- ৮। জেলা প্রশাসক, ----- (সকল)
- ৯। রেজিষ্টার অব জয়েন্ট স্টক কোম্পানীজ এন্ড ফার্মস, ঢাকা।